

諸男女度脫四季之內所有疾病星河漫繞
三災九厄悉令解除度脫

道言汝等善男子善女人但當讀誦此經則
令五神童子及十方聖眾即來擁護降福消
災滅除罪咎即說頌言

一切空無本 皆先稟運炁 有識即非識
無留亦無滯 名字居多衆 混然積年啓

仙度甚久遠 得一歸真理 遊經無定方
權應非一體 皆由此經得 歷劫自澄洗

歸依太上經 壽算得長存 吏兵常擁護
福去福來臻

爾時北斗七星童子五神童子十方諸善童
子其數如沙塵黍蒸粟功德將來五濁世七

傷與六害自然歸正旨天地陰陽悉周匝輪
迴轉長育於人民司馬定命童萬神唱恭諾

更無有留滯男則志聰明女則質端惠慈惠
不能生終天保慶壽如此至心誠歸命太上

經
太上洞玄靈寶護諸童子經

太上洞玄靈寶開演祕密藏經 全

太上大道君以上皇元年十月五日與無量
天真妙行神人詣太微帝君處明霞之上瓊

關之內金華之房諸天上帝清喬道前旅行
步虛誦誦靈章一依俯仰三乘之格扣擊法

鼓普集羣真此時東聖莫不皆集教誨玄妙
闡揚道德聖眾列位四座嚴整太微帝君從

座而起稽首道君今日大慶教誨之晨迂屈
聖尊曲降卑肆洪慈垂賜過本重恩願臣小

子希遭嘉會羣真歡樂不並於常伏願哀憐
覺所未悟不審三世十方天事所得妙身以

何為法為同一體為各異耶唯願哀於具垂
教演令一切衆生及將來世學道之人有所

依倚緣恩上啓伏用戰惶
太上道君方命西臺金母三十二天齊聲合

和唱詠靈音鼓天坡樂表現祥瑞驚天駭地
妙麗殊持良久言曰深乎微哉乃欲問發真

道祕藏自我成道已來未曾說此隱奧之事
今既有請冒禁相傳當諦聽受勿妄宣泄是

時衆會伏受要言

太上告曰至真妙理寂絕無形清淨凝湛不
可言名方便引化略開二途一者道身寂體

虛無二者生身誕孕形軀言通身者雖一切
相正慧成滿除斷虛妄冥契玄宗與道為一

不滅不生無來無去言語路斷念慮未畢言
生身者隨順世法依因父母氣數和合瓊胎

靈府猶如虛空隨宜出處年月不同服背降
誕長養深宮或生而皓素或常保少容瓊姿

妙質天人所宗帝君禮曰不審道身即是寂
本為更有義名為本耶

太上告曰道為聖本本即道根雖是一體先
無二源道名獨立體自靈通強字無待遠逝

息功本對於末因待假名稱為物始用涉能
生又為定本動寂用殊出沒互表語嘿相須

帝君又問如是本身能生萬物即是萬物之
本始者此與神本有何差別

太上答曰源其實體無有二相何以故俱畢
竟故無始終故不可說故以善方便亦得言

異所謂神本是妄想初一念之心能為一切
生死根本以是初心念念相續衆生業果輪

轉無窮是名識初亦名神本言本身者即是
道情清淨之心能為一切世出世法之根本
故故名為本如是真性非心不心非色不色
無緣慮故非無常故言非心能生心故無
不知故亦名為心無所礙故故名非色能生

色故道眼見故亦名為色是清淨心具足一
切無量功德智慧成就常住自在湛然安樂
但為煩惱所覆蔽故未得顯了故名為性若
修方便斷諸煩惱障法盡故顯現了故名
本身如此身者本自有之非今造故名為
本本非有性非三世攝方便說故非非三世
本來有故名為過去一切眾生必定嘗得故
名未來十方大聖今已得故故名現在雖復
說有三世差別體不動故常住無變帝君又
問若是本身性是具足一切煩惱云何能障
若本具足而起障者一切神尊得成道亦已
應運失何以故體唯一故
太上答曰雖體是一義則有二方便未足故
方便具足故是故我言一切諸法以空為性
為化眾生善巧方便隨宜演說是言說性猶

如虛空亦無分別識本本身皆虛空相得無
所得故無所失有所得故故有所失是故凡
夫名為失者十方神尊名為常德帝君又問
若生死法無始無終本性清淨何故不名為
道果耶

太上答曰生死之法有因果故故是無常不
名道果常道之體非因果故是故為常體是
果故故名道果帝君又問如是本身為悉共
有但是一身為各各有有無量身若有一者
一人得已應礙餘人若是多迹非為太一不
得言帝

太上曰我不說言一切諸法如虛空即虛空
之性非一非多非礙非無礙如是本身亦復
如是體非一多性無障礙太微帝君稽首謝
曰謹聞命矣不害生之與迹二義云何經門
二言敢以謬啓伏願弘慈廣垂分別
太上告曰體實無二隨義名身生體權執事
事同人迹無定相形不常倫但能顯本即是
迹陳帝君又問生身迹身是應作耶
太上答曰如是如是生之與迹並稱機緣利

益不差即名為應體則無別隨義異名帝君
又問是迹身者為有法耶為無法耶
太上答曰我不說云一切諸法性無所有云
何迹身而當有法若假名字亦有亦無不難
本故故名為無來生見故故名為有非別

體故名為無有實利益故名為有猶如明鏡
能見色象了了分明種種差別是鏡中象不
可定說是有是無而亦得言鏡中有像一切
來生心鏡明故見真道像又如止水無濤波
故影現日月星辰飛鳥日月星辰及以飛鳥
悉見水底一切諸物亦見自影了了分明此
水中物及所見影俱非真實不可言有不可
言無一切來生心水澄清見道身影亦復如
是體即真道是故非有非不見故不得言無
如追迹者尋跡能得是跡與人非一非異迹
身亦爾明解之人用跡入悟見真道身知無
迹法故名為一非不因迹漸得開曉建立福
田是名為異如是之義是道境界非是凡夫
下聖能了於是道君欲顯斯義重說偈言
道身不生滅 任理自玄通 湛然常清淨

獨立強言空 絕名無待對 亦忘造物功
 端靜息義用 蕭寂守虛冲 本身為物始
 生立布三才 冥功雖巨測 圓照遂念開
 能為妙迹本 表見德萬該 神用無起滅
 奇功塵去來 生身託父母 寄慧示同凡
 瓊胎非世孝 變示道所堪 端嚴使欣慕
 白首破迷貪 非是骨肉身 隨願之所單
 權迹無定方 見身亦長久 遍示五道形
 姿容順妍醜 任本之所垂 利益無優醜
 乍有變化生 時或因父母

太微帝君稽首又曰敢問道身為有因耶為無因耶若有因者同世間法因緣生故故是無常若無因生復隨邪見異道之謂若是道身不從因生自然有者一切眾生不修道者應皆成道如是二義云何可了唯願慈愍廣垂開示

道君答曰太微帝君乃能顯發如是深奧微密之義夫正道者真實之相非言語法之所能宣今言道者寄言顯示令得悟入解了無言忘筌取旨勿著文字所言道者通達無礙

猶如虛空非有非無非愚昧智非因非果非凡非聖非色非心非相非非相即一切法亦無所即何以故一切法性即是無性法性道性俱畢竟空是空亦空空亦空空無分別分別空故是無分別亦復皆空空無二故故言其即而諸眾生不能解了如是義故於無法中而生法想於不空中而生空想以有如是心想倒故而有見著具是四倒妄造諸法計我及物故名生死不得道身天尊大聖了此實性畢竟無性洞會道源混體冥一故名得道身與道一故名道身習此正觀名之曰因亦無所習故名非因是故正道非從因生亦非無因體非是果亦非非果非常非非常非滅非非滅如是深奧祕密之義唯性與道乃能解知上聖真仙皆不通達以信力故勢

兼能知如是身者住無所住無所不住是名正道真實之身帝君又曰不審

天尊所受生身業相云何

太上告曰所言生者無生不生離一切生何以故十方天尊生已盡故深欲無明永清淨

故故無有生欲利眾生示同世法是故有生何以故我若說云道氣高遠寂滅不生眾生便謂不可修習無迴向心不修善業是故說云一切聖人皆有生果然非結業隨願故生若復相說隨人天生皆以上業而為生因以於其中最第一故是名分別生身之相太微帝君稽首禮曰善哉道君演說如是深奧之義自昔以來未曾得聞如是妙經譬如薄福重罪之人生而瞽盲不見五色青黃赤白及黑等相不聞宮商五音之聲有大明醫授以妙術為開耳目一切色聲無不聞見我亦如是聞於是經能得聞見二種身相當知是經是法耳目其有得者能見正道二種法身權實之趣大明醫者即是道君示我妙經如施耳目得此教者即得正道微妙之身得道身已便能隨願示見生身是經能生二種身故名為法母何以故是深妙教能令一切生真法身如世慈母能生子故至孝之子常念鞠育懷抱之恩思欲上報終天無極我等如是因是正教生無漏身是故常當報恩供養安

置堂殿七寶莊嚴香花燈燭伎樂幡蓋晨夕
朝禮如侍所親

太上道君蒼帝君曰如是如是實如所說我
從昔來未曾為人說如是法何以故是諸學
者力未堪故非是我等十方天尊有所隱覆
有所憐惜所演法言皆表一道一味一相而
諸眾生各得悟入深淺差別隨解有異名為
別教示其一相故曰同歸無異經也譬如天
降一味甘雨江河大海受處不同名為異水
雨實唯一十方大聖降一法雨隨三乘器受
蓋不同故名三教所示身相亦復如是於未
悟者名為未說於解了者常滿究竟是故我
等無所秘藏是時太微帝君及諸大衆聞是
法音歎未曾有於虛空中雨天妙花鼓天伎
樂供養道君而共齋聲說偈歎曰

我等歸命太上尊 無上最勝真法王
巧說二種微妙身 猶如等降甘露雨
三乘得悟有差別 道君所說皆周普
衆生汎此法舟航 免慶生死大河苦
服此清淨良法藥 身心垢穢病皆愈

各家法利喜充遍 是故禮謝慈悲父

爾時太微帝君及諸大衆說是偈已白太上
言若諸神尊所說諸法同表一道無淺深者
云何而得有圓滿教及未具了差別趣耶
道君告曰若於大聖諸有所言皆是正觀一
切智心無非畢竟是了義隨眾生故半滿
不同為鈍根者或時說有或時說空或時說
常或說無常是名兩半前後異說不得一時
隨病發故偏示一義是名為半前病除已復
顯一藥用具足故名之為滿了兩半已入一
中道乃名具足圓滿之相若深智者聞說一
邊即應了悟因緣假名即正中道所言中者
離一切者亦無所離不滯二邊故名為中能
通眾生至善家處到解脫城故名為中若有
了知是中道者名為正觀是第一乘能運學
者出離三界過二生死了真法性成無上道
是故此經能破無邊無明暗室令見無上正
法珍寶猶如明燈破一切暗令有目者見諸
寶物隨意更用稱心快樂我今哀愍闍苦衆
生然此法燈照煩惱闇普令一切尋光見道

得真智慧自在安樂極無上果究竟昇去太
微帝君白太上曰若如是者唯當正解中道
之要便得成道何須更習諸餘經識為繁勞
耶

太上告曰若諸學人深蘊德本了達正空中
道之相是即具足無俟更修諸餘法術但為
五濁諸眾生等未了此經深妙之趣先不餘
法調伏其心遮斷煩惱四魔惡賊猶如
帝王具足無量珍寶樂具而須城舍墻壁莊
嚴防斷盜賊遮諸障難如是正觀始悟心王
住中道城以諸誠慧為法墻整牢自莊嚴備
諸魔試是故十方天尊大聖具演經誡廣闡
法門太微帝君稽首拜曰敢問道君畢竟究
竟云何差別領垂告示

太上曰畢竟決也竟者定也我所說法決定
無二如言世間無常若空空無我淨道果常
臻安樂自在真實清淨若異學者有來難問
如是之義終不動轉三世神尊皆作是說是
決定畢竟之義又復早者名審竟者名諦若
諸道君我一切法本性清淨如虛空性假因

緣有體非真實中道之理性無顯倒是寂滅相作是說者審諦誠信無有虛妄是故復名畢竟之義又復畢者名達竟者言了十方大聖坐道場時證深正智於一切法及法真性一念洞明通達照了無有差謬是智圓滿稱寔相法達了無遺故名畢竟言究竟者究之言到竟之言達際十方神尊得一切智到法邊際是名究竟又復究者名斷竟者名盡一切神尊以實相慧斷煩惱習一切皆盡具足解脫是明究竟又復究者名度竟者名已十方大聖得道真人度生死海已至彼岸故名究竟如此是名分別畢竟究竟差別之相帝君又曰當何名此經云何傳授方法所須願委具告

數劫未久證此法同一性相平等無二而能出見種種法身示修習報應化無方人天惡道隨類所見受生業行皆同其法或見殊勝超踰世間第一希有獨步無畏威變自在不可思議是名開演身秘密藏能於正道真實之性無言無說寂滅相中善巧因緣分別顯示隨其所宜說法無盡言辭次第義味深曠或說一乘或說三乘人天業果漸漸開化使得同歸真一正道是名開演口秘密藏雖無念慮離分別想以一切智洞達空門正解正觀窮理邊底與真實相平等為一以一切種智照世間法色法非色法心法非心法人天五道四大六家眾生想念果報因緣於一念中明了無礙善識根性隨宜所行世出秘法洞達究竟是名開演心秘密藏以是三種秘密之法成真道身非是凡夫乃至上聖所能覺知我於是經具闡此義明說身相啓方便門令諸學者入重玄趣是故此經名為開演秘密藏如是受持此經大乘衆經中最妙若有至心堪能解了講宣其義審得其人稽

首而傳不須盟信何以故已受餘經知其心故亦是平等無揀擇故太微帝君拜手言曰善哉道君演說如是深奧之義我於今日始知神尊審是眾生真實父母能以大慈大悲之力於無相中示真法相說此三種微密之趣令諸來生悟一乘道得妙法身證無上覺自能了知秘密之藏亦當能為一切眾生開演甚深三種微密我今始知無上大乘平等正法無擇獲難唯技能行有心之人輒當傳付今此妙教廣得流通普令一切開正法眼紹繼道君無上之位使三寶輪轉運照無礙太上告曰善哉帝君乃能發心弘宣此法來生男女當受斯慶咸見正道得淨法身帝君當知若使餘經不流布者於諸世間無深損害若失此經一句一偈則為一切播諸災禍何以故此經明示真道正身即是眾生終歸寔宅若失此經永為孤露流漂三塗五道之中沒於長苦無由解脫何以故不得本源無所歸故是故帝君常當一心弘宣此法必使流通我皆受之於太帝太帝受之於五帝上

真高上玉皇玉皇受之於玉清帝君消塵大
王大王受之於八天虛皇帝君口口相傳不
記文字帝君今可書而錄之使得流布將來
衆生吾當以神通力守護此經隨有之處悉
皆吉祥大劫之周餘道皆滅此經獨存當選
大羅之天八十一隨機下世救度天人於是太微帝
君鑄玉為簡錄金為字編以白銀撰錄此經
感以紫玉之函封於七寶之臺仙童玉女散
花燒香供養靈文是時大衆聞受經已太上
道君還於玉京諸來會者各禮而去

太上洞玄靈寶開演秘藏藏經終

太上洞玄靈寶真文要解上經

高玄大法師受

八十三

太上靈寶治玄都玉京山七寶宮臺十方至
真自然妙行真人飛仙大聖衆皆浮空燒香
散華旋行一日三周手把十絕華幡口誦洞
章日月交迴七星運關三百三十日則天關
迴山一度三百三十度則九天氣交三千三
百度天地氣交天地氣交為小劫交九千九
百度則大劫周此時則天淪地沒九海演一
金玉化消毫末無遺天地所以長存不傾者
元始命五老上真以靈寶真文封於五嶽之
洞以安神鎮靈制命河源致洪泉不涌大災
不行此自然之文故曰靈寶九天上書牒鬼
神所知世有其文則保國寧家萬災不衝寧
得其法至大劫之周時晏鴻翻而高翔躡飛
霄而浮空也八十二舊科四萬劫一出皆授宿有金
名刻簡來生應為真人者
太上元始靈寶五篇真文舊藏太上玄臺七
寶上宮天書宛真不可尋詳文彩煥曜洞映
上清五老侍衛上帝朝真玉女執巾金童揚

煙燭百和合香流薰紫庭吐日精以却穢散
月華以拂塵神燈朗照炳燭合明金風八發
慶雲四陳鸞鳳悲鳴嘯歌邕邕飛龍毒獸備
衛玉闕萬帝稽首旋行上官飛空步虛嘯詠
洞章讚九天之靈與欣三天之寶明寔玄文
之妙重功德巍巍乎太空故元始記篇有一
十二德以崇實於天真標靈文之難窮一若
其德如虛無澄真洞寂澹泊自然幽冥冥
為天地之根二者其德如大道恢廓無為為
神明之宗一切萬物普受其成功三者其德
如天澄虛廣覆高浮上清一切萬物普受生
成四者其德如地開張養生含容無細一切
萬物受其厚載五者其德如日月光明洞映
無幽不徹一切萬物受其柔惠六者其德如
衆星照耀諸天朗達幽冥一切萬物普受光
明七者其德如雲雨和天潤地流澤廣施一
切萬物普蒙惠灑八者其德如四時轉輪陰
陽節氣和平一切萬物普受含生九者其德
如太山包容障遏威靈恢恢五帝安鎮神仙
所居十者其德如大江柔弱滂滂惠流百方